



The 40th Annual Magazine 2015-2016
Ruby Jubilee Edition

Thang-Riai

Govt. Aizawl College
Labor Omnia Vincit

Higher Education Development-na turin Rashtriya Uchcharat Shiksha Abhiyan (RUSA) Scheme

*-Shri. Thanglura, Associate Professor, &
Institutional Coordinator, RUSA,
Govt. Aizawl College.*

Central Govt. chuan 1991 aṅging economic reforms process a kalpui ṅan a. Education sector reforms zinga a pawimawh ber pakhat chu Rashtriya Uchcharat Shiksha Abhiyan (RUSA) hi a ni. Tun hmain Sarva Shiksha Abhiyan (SSA) a kalpuiin, hei hian Elementary Education – Primary School leh Middle School chin a huam a. Hemi hnuah High School level chin atân Rashtriya Uchcharat Shiksha Abhiyan (RUSA) kalpui leh a ni. Tunah College leh University Education tân Rashtriya Uchcharat Shiksha Abhiyan (RUSA) scheme chu kalpui leh a ni ta a. Hengte hi Centrally Sponsored Scheme (CSS) niin 12th Plan (i.e 2012 – 2017) aṅging India ram puma higher education hmasawna (development) atân a ni.

RUSA Scheme hi 12th leh 13th Plan (2017-2022) thlenga kalpui tûra ruahman phawt a ni a. State Govt. hnuaiia Universities leh College-te sum (Fund) pein higher education tihchangtlunna tîr leh equity (intluktanna), access (awlsam taka zir theihnan) leh zirna ṅha tak (excellence/quality) tihhlawhtlin a nih theih nana ruahman a ni. Tin, efficiency, transparency, accountability leh responsiveness awm tûra tih a ni bawk.

RUSA hnuaiia sum pèk rêng rêng te hi ruahmanna fel sa (well-defined norms) hnuaiia kalpuiin, hei hian academic, administrative leh governance reforms te a keng tel a ni.

A Thil tumte:

1. Student enrolment tihpun. Tuna 19.4% Gross Enrolment Ratio (GER) hi 12th Plan chhungin 25.2% tih pun leh 13th Plan ah 32%-a tihpun tum a ni. Hemi awmzia chu ṅhalai kum 18 – 23 inkarah University leh College education-a in-enroll zat hi 32% thlengin tihpun tum a ni. World average chu 29% (in 2010)-ah a ni.
2. State higher education hi a pumpui (overall) quality tihsan.
3. Accreditation (i.e NAAC) hi mandatory a ni tûr a ni.
4. Transformative reforms – hrang hrang institutional structure, planning and monitoring te, governance, academic leh examination (and evaluation), affiliating system ṅha leh awlsam zawka siam.
5. Tuna Institution kan neih te expand a, naupang tam zawk luh theihna tûra siam leh a ṅul dan a zirin hmun kilkhawr zawkah New Institutions pawh din belh .
6. Educational institution tinah faculty mamawh zat leh thiam zawk pek te.

7. Research leh innovation siam te, zirna hi skill development nen kalpui te, ram pumah rual-khai taka zirna kalpui a nih theihna tûr te a ni.
8. Equity hi ðha zawka kalpui tum a ni a, hei hian socially deprived communities, inclusion of women, minorities, SC/ST/OBC leh differently abled persons te tâna University leh Colleges education an chhawr ðangkai theih nana hamðhatna (adequate opportunities) siamsak te.
9. State Institutions zingah healthy competition siam a, research, quality leh innovation a awm theihna tûra kawng hawn.
10. State Govt. leh Higher Education Institutions te tih tûr chin (role) chiang taka siam te a ni.

Key Features :

RUSA hi Norm-based leh performance – based funding a ni. Fund dawng tûrin State Govt. hian lo tih ve tûr a nei a. State Govt.-in recruitment a ‘ban’ te 23.3.2014-ah a hlip ta bawk. Tin, 10% matching share a dah ve a ðul bawk. State Higher Education Councils (SHECs) leh State Project Directorate din fel a ni bawk. A hnuaia mi ang hian:

Chairman	:	Hon’ble Minister Higher & Tech Edu.
Vice-Chairman	:	Parliamentary Secy. H&T Edu.
Member Secy.	:	Prof. K.L.Pradhan- & Addl. Project Director.
Project Director	:	Commissioner & Secretary to the Govt. Higher & Tech. Education.

SHEC- ah hian Chairman te nen vek member 20 an awm a. Keipawh 2013 – 15 khan President, Mizoram College Teachers Association ka nih avangin member ka ni ve nghe nghe.

Resource Allocation Pattern

North East States, Sikkim, J & K, Himachal Pradesh leh Uttarakhand te chuan 10% State contribution an pe ang a, State/UT dang zawng te chuan 35% State share an pe ang.

Institutional Structure of RUSA

National level-ah RUSA Mission Authority, Project Directorate.
 State level-ah State Higher Education Council (SHEC), Project Directorate
 Institutional level-ah Board of Governors, Project Monitoring Unit te din a ni.

RUSA hnuaiah ðanpuina tûr ruahman sa (Financial Norms) **Components 18** siam niin Mizoramah component 4 kalpui mek an ni. Chungte chu :

Component – 5 : Upgradation of existing Degree Colleges to Model Degree College – hnuaiah Govt. Hrangbana College leh Govt. Zirtiri Residential Science College te kalpui mek a ni.

Component – 6 : New Colleges (Professional)-ah Mizoram Engineering College Pukpui, Lunglei District-ah din ðan mek a ni.



Component - 7 : Infrastructure Grants to Colleges hnuaiah college 21 te kalpui mek a ni.

Component - 9 : Equity Initiatives : College 24 te hemi hnuaiah kalpui mek a ni. Hetah hian Hindi Training College hi telh ve a ni. Component dangah chuan centrally funded institution a nih avangin a theih loh a ni.

A chungah kan sawi components atâna **12th Plan chhunga** sum ruahman chu:-

Component 5-ah College pakhat tân **Rs. 4 crore** zel. Component 6 a tân **Rs. 26 crore** ruahman niin tunah hian **Rs. 13 crore** pek chhuah tawh a ni. Component 7-ah **Rs. 2 crore** zel college pakhat tân. Component 9- Equity Initiatives pumpui tan **Rs. 5 crores** ruahman a ni a. Student tam dan azirin college tin dawn hi a inang lo ang. A tam ber chi-ah College pakhatin Rs. 30 lakhs; tin, Rs. 25 lakhs te, Rs. 20 lakhs etc. te-a ruahmanna siam a ni.

Tun June, 2016 thlenga sum pek chhuah tawh chu Model college 2-ah Infrastructure Grant Rs. 50 lakhs ve ve pek an ni.

Infrastructure Grants hi Rs. 2 crore or Rs. 4 crore-ah te hetiang hian hman dan tûr norms siam a ni.

- (a) Creation of new facilities & new construction-ah 35% i.e Rs. 70 lakhs (out of 2 crores) theuh, college 21-te hnenah 4th April, 2016 khan pek a ni. **Govt. Aizawl College** chuan Cafeteria and Student Common Room sak nan New Campus Mualpui-ah sak mek a ni a, Lushai Engineering Ltd. ten an thawk mek.
- (b) Renovation and Upgradation of existing facilities-ah 35% i.e Rs. 70 lakhs (out of 2 crores). Hei hi 1st Installment hi ni 17.7.2015 ah & 2nd installment hi ni 5.4.2016-ah released tawh niin college 21-ten **Rs. 36.25 lakhs** theuh hmuh tawh a ni.
- (c) New Equipment/Facilities (i.e. Books & Journal, Computers, E-Resources centre, Sport goods etc.) 30 % of the grants i.e. Rs. 60 lakhs (out of 2 crores) theuh college 21 tân. Renovation leh Equipment i.e b & c te hi a hranpa-a sunction lovin college tinin kan sum hmuh Rs. 36.25 lakhs hi a tul dan azirin renovation/upgradation-ah emaw equipment leh library books and computer etc. lei nan hman theih a ni. Amaherawhchu sum hman zawh dawn lamah 35% leh 30% norms anga thliar fel tûr a ni.

Govt. Aizawl College chuan **Rs. 36.25 lakhs** te hi Canteen renovation, Internet Resource Centre siam that leh computer 20 lei nan, Projectors 4 installation, water tanky 3 dah belh, additional room siam, toilets and sanitary pipe lines upgradation te, classroom renovation and

upgradation, Desk and Bench etc, painting atân te, internet lines siam nan, furniture leina, library books and journals, Teachers common room atân te a ni. Tunah hian purdah leh rawng hnawih that te, sports goods lei te, mike and sound system leh library upgradation etc atân te hma lak mek a ni.

Equity Initiatives- ah Mizoram pum tân 12th Plan chungin **Rs. 5 crores** ruahman a ni. First installment-ah college 24 tân **Rs. 10,41,667/-** theuh 5.4.2016 khan dawn a ni.

Govt. Aizawl College chuan Equity Initiatives 1st installment atângin hengte hi ruahman mek a ni.

Language lab (English) (19+1), Equal opportunity cell, Career Counselling Cell, Placement Cell te siamin, Remedial classes, Gender & Persons with Disabilities (PwD) sensitization campaign, Plan for Innovative Scheme/Finishing School atân te sum ruahman a ni.

Capacity building i.e Seminar, Workshop etc. atân Rs. 1 lakh theuh college 24-ten 6.10.2015-ah dawn a ni tawh bawk.

RUSA Scheme angin Board of Governor Joint Director, Higher & Technical Education Chairman-na hnuaiah member 8 nei (Nodal officer 5nen) CYMA leh MHIP aiawh pakhat ve ve member an ni a, Principal hi Vice-Chairman-ah, Coordinator hi Member Secretary a ni. BoG hian sum hman dan tûr leh Project tha taka implement a nih theih nan te reform process a hlawhtlin nan a tûl angin hma a la ang.

Project Monitoring Unit (PMU): Project Monitoring Unit (PMU) hi Principal Chairman-na hnuaiah Co-ordinator chu member Secretary niin, Faculty leh SU representative te, Librarian leh Head Assistant leh Architect te member an ni. Anni hian Project kal lai monitor-te, sum dik tak leh a nih dan tûr anga hman a nih theihna tûrin hma an la ang.

RUSA avang hian State Higher Education hian kawng hrang hrangin hma a sawn tûr a ni a. Hemi tâna pawimawh ber pakhat chu academic reform niin zirna tha leh quality tha te, employment naupangin an hmuh theihna tûr te; tin, thalai kum 18-23 te college leh University enrolment tihpun te, ST/SC/OBC leh handicapped leh hmeichhiate thingtlang miten zirna tha an neih theihna tûra hmalakna pawimawh ber (Student Centric and development with human face) a ni tiin i khai khawm mai ang.

